

ՍՅՈՒՆԻՔԻ ՀԱՐԱՎ-ԱՐԵՎԵԼՑԻՆ ՄԱՍԻ ՀԱՆԱՊԱՐՀՆԵՐԸ

Սյունիքի պատմության հետ առնչվող մի շարք հարցերի պարզարանումը կապված է նահանգի տարածքով անցնող առևտրական և ագամատրատեգիական նշանակություն ունեցող ճանապարհների ուսումնասիրության հետ։ Թեև ճանապարհների մասին մատենագրական վկայությունները սուղ են, սակայն լեռնանցքների, ավերակ բերդերի, կամուրջների և քարավանատների դիրքը նարավորություն է ընձևում որոշելու նրանց ուղղությունը։

Սյունիքի համար առանձնապես կարևոր ճանապարհներից էր Դվին—Նախիջևան—Օրդուբադ—Վարդանակերտ—Փայտակարան—Կասպից ծով երթուղին, որի հետ նահանգը կապվում էր Շաղատ—Նախիջևան ճանապարհով և դրա միջոցով միանում Դվին—Փայտակարան և Դվին—Նախիջևան—Թավրիզ ուղիներին։

Մեծ կարևորություն ունենալով Սյունիքի տարածքով անցնող Դվին—Բերդկունք—Պարտավ ուղին, որը հանգամանորեն ուսումնասիրված է²։

Սյունիքի և ամբողջ Անդրկովկասի համար խոշոր ռազմատրատեգիական նշանակություն է ունեցել Շահի յու ճանապարհը, որը Սյունիքը Միլի դաշտով կապում էր Շիրվանի ու Բաքվի հետ և անցնելով Դերբենդի անցքով՝ հասնում էր մինչև Ռուսական հարթության հարավային տափաստանները³։ Հնագույն ժամանակներում այս ճանապարհով էին Սյունիք ներխուժում Կովկասյան լեռներից հյուսիս բնակվող ցեղերը։

Մեկ այլ ճանապարհ գալիս էր Թավրիզից և անցնելով Արևիք գավառի տարածքով՝ Տաշտունի լեռնանցքով մտնում էր Զորք գավառը։ Ողջի գյուղի մոտ Կապուտջուղի լեռնանցքով միանում էր Դողթնից եկող ճանապարհին, այնուհետև ընթանում Ողջի գետի հոսանքով,

1 Թ. Հակոբյան, Հայաստանի պատմական աշխարհագրություն, Երևան, 1968, էջ 198—199։

2 Լևոն, Հայոց պատմություն, հատ. 2, Երևան, 1947, էջ 382։ Ստ. Լիսիցյան, ՀՍՍՀ ֆիզիկական աշխարհագրություն, Երևան, 1940, էջ 28—29։ Հ. Մանանդյան, Հին Հայաստանի գլխավոր ճանապարհները, Երևան, 1936, էջ 175—204։ Թ. Հակոբյան, Սյունիքի թագավորությունը, Երևան, 1966, էջ 87—95։ Բ. Հարությունյան, Դվին—Պարտավ ճանապարհի Sisjan-Gelakuni գծամասը, «Պատմա-բանասիրական հանդես», 1968, № 1, էջ 212—220։

3 Ստ. Լիսիցյան, Զանգեզուրի հայերը, Երևան, 1969, էջ 18։

Գեղի գետաբերանի կամուրջով մինչև Բաղաբերդ։ Այնտեղից ուղղվում էր հյուսիս, ապա անցնում Վերին և Ներքին Գիրաթաղ գյուղերով, Գաղրոյի լեռնանցքով և մտնում Տաթև, այնուհետև ընթանալով «Սատանի կամուրջով»՝ Ծոբարի սարահարթով միանում «Շահի յու» ճանապարհին⁴։

Ստորև մենք կանդրադառնանք այս նշանավոր ճանապարհի մի քանի ճյուղերին, որոնք ունենին կարևոր ռազմատրատեգիական նշանակություն և անցնում էին Սյունյաց Բաղք, Քաշունիք, Բղեն և Կովսական գավառների տարածքով, միաժամանակ կվերականգնենք նրանց ուղղությամբ կառուցված բերդերի պատմաաշխարհագրական անունները։

Ճանապարհներից մեկը Տաթևը կապում էր նահանգի ամենանշանավոր ամրոցի՝ Բաղաբերդի հետ։ Սա Տաթևը Բաղաբերդի հետ կապող երկրորդ ճանապարհն էր։ Դուրս գալով Տաթևից և անցնելով համանուն գետը սկզբնավորող Տաթև, Սվարանց և Գաղրոյի ձոր գետակների ստորին հոսանքների շրջանում գտնվող կամուրջներով, Տանձատափ գյուղով, Հալաքար՝ լեռան մոտով, Օքուզարաթ՝ լեռնանցքով

4 Նույն տեղում, էջ 43—44։ Սյունիքի տարածքով անցնում էին նաև այլ ճանապարհներ, որոնք, ըստ Թ. Հակոբյանի, ունեցել են երկրորդական նշանակություն (տե՛ս «Սյունիքի թագավորությունը», էջ 86—101)։

5 Լեռը գտնվում է Տաթևի վանքի դիմաց, Որոտան գետի աջ ափին։ Տանձատափ գյուղի բնակիչների վկայությամբ անցյալում այն կոչվել է Բերդ. իր գագաթին գտնվող բնակավայրի անունով, որից աննշան հետքեր են պահպանվել, որովհետև երկրաշարժի ժամանակ լեռնագագաթը փլվել է։ Կարծում ենք, որ այստեղ է եղել պատմական Բերդ-Առավելադաշտ բնակավայրը։ Այդ հաստատվում է հետևյալ վկայությամբ. «էր և առաջականոց մի բերդ անուն հանդէպ Վանիցն, յայնկոյս մեծի գետոյն յափն քարոյն որ Առաւելադաշտն կոչեն» («Պատմութիւն նահանգին Սիսական, արարեալ Ստեփաննոսի Օրբէլեան արքեպիսկոպոսի Սիւնեաց», Թիֆլիս, 1910, էջ 230)։ Բերդ-Առավելադաշտը ունեցել է անառիկ դիրք։ Գտնվելով Մղուկը և Բաղք գավառները միմյանց կապող ճանապարհին՝ լեռնանցքից ոչ հեռու, հավանաբար սովորական բնակավայր չէր. այլ ամրացված վայր։

6 Որպես օրինաչափություն լեռնանցքները կոչվել են ամենամոտ լեռնագագաթի կամ բնա-

ճանապարհը մտնում էր Քաշունիք գավառը: Այնուհետև անցնում էր Խաղվանի գյուղով և հասնում Տանձավեր գյուղի արևմտյան մասում գտնվող բերդը, որը անցյալում հավանաբար կոչվել է Տանձավերի բերդ՝ մոտակա գյուղի անունով: Այդտեղից ճանապարհը գետանցքով տեղափոխվում էր Քաշունի գետի աջ ափը և ընթանալով անտառի միջով՝ հասնում Բաղը գավառի հյուսիսային դարպասը՝ Տորթնի գյուղից ոչ հեռու գտնվող լեռնանցքը⁷: Այդտեղից ճանապարհը մտնում էր Թափուր կոչվող գյուղատեղի, այնուհետև Տորթնի գյուղը և իջնելով հարավ՝ Աճանան գետի վտակ Տորթնու ձախ ափով հասնում էր գետի և նրա վտակի ջրախառնման անկյունը, որտեղ գտնվում է Հոռմանց գյուղատեղի: Հոռմանցից ճանապարհը շարունակում էր ընթանալ գետի հոսանքի ուղղությամբ մինչև Ս. Վանես ավերակ մատուռը, այնուհետև տեղափոխվում էր գետի աջ ափը միակ կամուրջով, որը կոչվում է «Խանի կամուրջ» և ընթանալով հարավ՝ բարձրանում Գյանեի բուժ լեռան գագաթը, որտեղ անցյա-

կավայրի անունով, ուստի հավանական է, որ այս լեռնանցքը անցյալում կոչվել է «ոռվանի»՝ մոտակա գյուղի անունով:

⁷ Այս լեռնանցքը և նրա մոտ գտնվող լեռնագագաթներից մեկը կոչվում են Քարախ (տե՛ս «Карта ССР Армении», Ростов-на-Дону, 1926): Տեղանունը անկասկած առաջացել է լեռնագագաթի վրա գտնվող բավականին մեծ խաչքարից: Նրա վրա պատկերված է եպիսկոպոսական խույր, վերևում խաչ, որը թևերի ծայրերին ունի երկու փոքրիկ ելուստներ: Ամենայն հավանականությամբ խաչքարը մատնանշել է Տաթևի վանքի շրջակա սահմանը հարավից և հավանաբար համապատասխանում է վավերագրում հիշվող «յերկայն խաչին» (Ստեփաննոս Օրբելյան, էջ 230): Գորիսի շրջանի Մալաշ գյուղի բնակիչները 1970 թ. հայտնաբերելով խաչքարը՝ նորից կանգնեցրել են հողի մեջ, իր հին տեղում, վրան փորագրելով կանգնեցման թվականը:

⁸ Գյանչի բուժ անունը ծագում է Գանձաբերդից, բանի որ ունենք՝ «Գանձակ» Գյանչս և բերդ>բուրթ (հմմտ. Ազնաբերդ> Ազնաբուրթ, Ղ. Ալիշան, Սիսական, Վենետիկ, 1893, էջ 505), բերդ>բուրթ (հմմտ. Բայրերդ> Բայրուրթ, Н. Адопц, Армения в эпоху Юстиниана, Ереван, 1971, էջ 62), բայց նաև բերդ> *բուրթ> փուրթ (հմմտ. Խարբերդ> Խարփուրթ, Թ. Հակոբյան, Հայաստանի պատմական աշխարհագրություն, էջ 293):

յում բերդ է կառուցված եղել: Այդտեղից ճանապարհը հասնում էր Ողջի գետի ձախ ափին գտնվող Խնկանց գյուղատեղին, ապա Շհարջիկ գյուղը և թերվելով դեպի արևմուտք՝ անցնում Նհարջիկի արևմտյան մասում գտնվող լեռան ստորոտով, որի գագաթին պահպանվել են «Աղաշու բերդ» կամ «Ղրղալա» կոչվող բնակատեղի⁹ հետքեր: Այնուհետև ճանապարհը սկսում է բարձրանալ անտառի միջով դեպի մեկ այլ լեռնագագաթ, որը ավելի բարձր է և Շհարջիկ գյուղի բնակիչներին հայտնի է «Հուսեյն կալա» անունով: Այդ լեռնագագաթի շուրջը այսօր էլ նշմարվում են բերդի հետքեր, որոնք կոչվում են Քյարփիլի¹⁰: Ծանապարհը այդտեղից ընթանալով դեպի հարավ-արևմուտք՝

Գաձաբերդ լեռան գագաթին ներկայումս պահպանվել են փոսեր և գետնախորշեր: ՃՃ դարի սկզբին, տեղացիների վկայությամբ, այստեղից հայտնաբերվել են կենցաղային իրեր, որոնք, ցավոք, չեն պահպանվել: Լեռան հարավ-արևելյան մասում եղել է բնակատեղ: Այդ վայրը կոչվում է Տանձուտ:

⁹ Աղաշու բերդը առաջին անգամ հիշատակել է Րաֆֆին (Րաֆֆի, Դավիթ-բեկ, Երևան, 1962, էջ 428): Նույն բերդի և նրա մոտ գտնվող մեկ այլ ամրության՝ Ղրղալայի մասին գրել են նաև Ղ. Ալիշանը (Սիսական, էջ 276), Ս. Լիսիցյանը (Զանգեզուրի հայերը, էջ 40—41) և Թ. Հակոբյանը: Վերջինս Աղաշու բերդը համարում է Ս. Օրբելյանի մոտ հիշատակված Կկոց քարը (տե՛ս «Սյունիքի թագավորությունը», էջ 134—135): Աղաշու բերդ կոչված վայրում ներկայումս պահպանվել են միայն մի քանի սենյակների հետքեր, որի պատճառով հնարավոր չէ պարզել, թե ի՞նչ է իրենից ներկայացրել այս շինությունը:

¹⁰ Բերդը կառուցված է եղել լեռնագագաթի հարավային մասում գտնվող մի փոքր հարթության վրա: Այժմ նրա պարիսպներից պահպանվել են աննշան հետքեր, որոնք ձգվում են ժայռի շուրջը, բացառությամբ հյուսիսային մասի, որտեղ, ըստ երևույթին, բնական ժայռը ծառայել է որպես պարիսպ: Հարավային մասում թափված են բաղմաթիվ աղյուսածեղ քարեր: Բերդը ունեցել է երկու մուտք՝ արևելյան և արևմտյան կողմերից: Բերդատեղից շատ լավ երևում են արևելքից՝ Ողջի գետի ստորին հոսանքները ընդհուպ մինչև Արաքս, հարավից՝ Վահանավանքը, Կապան քաղաքը, արևմուտքից՝ Բաղաբերդը, հյուսիսից՝ Աճանան գետի ավազանի բոլոր բնակավայրերը: Կարծում ենք, որ Քյարփիլի բերդը համապատասխանում է վերոհիշյալ ուսումնասիրողների կողմից հիշատակվող Ղրղալային:

Հասնում էր Բաղարերդի Տաթևը Բաղարերդի հետ կապող երկու վերոհիշյալ ճանապարհներից՝ մեր կողմից նկարագրվածը ունեցել է առավել կարևոր նշանակություն, որի մասին վկայում են նրա երկարությամբ կառուցված բերդերը: Այս ճանապարհի ուսումնասիրությունից եկանք այն եզրակացության, որ 1170 թ. սելջուկները Բաղարերդը գրավել էին հարձակվելով այդ ուղղությամբ: Բաղարերդի անկման մասին Ս. Օրբելյանը հաղորդում է. «Ի 619 թուին կրկին բարկացաւ Աստուած Բաղաց աշխարհիս և Սիւնեաց նահանգիս. և զապաւէնն ամենեցուն և զտեղի ապաստանի զանառիկ ամուրն զԲաղարերդ մատնեաց ի ձեռս Իսմայէլի անիծեալ և գիշախանձ առն, որ բազում զօրոք եկն և ոչ կարաց հնարել ինչ: Ապա պատրող բանիւք խարեաց զպարզամիտ արս քրիստոնեայս Աղաշուցիս. և նոքօք նախ առ զբարն Կկոց. և ապա ի գիշերի՝ այնու արամբք գողացաւ զԲաղարերդ...»¹¹:

Եթե հիմք ունենանք Ս. Օրբելյանի հիշյալ վկայությունը և մեր նկարագրած ճանապարհով Բաղարերդից ընթանանք դեպի Տաթև, ապա «Քյարփիչլին» կհամապատասխանի տեքստում հիշվող Կկոց քար բերդին, իսկ Աղաշու բերդը՝ Աշաղվային: Տեքստում չեն հիշվում Բերդ—Առավելսողաշուր, Տանձավայրի բերդը և Գանձաբերդը, այն դեպքում, երբ տեղանքի հետազոտությունից պարզվեց, որ առանց այդ ամբողջությունների տիրանալու անհնարին կլինեք գրավել Կկոց քարը և մոտենալ Բաղարերդին: Դա ըստ երևույթին պետք է բացատրել նրանով, որ այդ բերդերը ավելի շուտ էին առնվել ու կործանվել, քան հիշյալ ամբողջությունները: Թերևս, հնարավոր է նաև, որ Ս. Օրբելյանը կարևոր է համարել շարադրելու միայն Բաղարերդի գրավման փաստը: Սելջուկների հարձակման ուղին չէր կարող լինել Տաթև—Բաղարերդ առաջին ճանապարհը, այդ ճանապարհին Բաղարերդը պաշտպանող ամբողջուն չի եղել, քանի որ այդ կողմից բերդն ունեցել է անառիկ դիրք, իսկ Աշաղվան, որի բնակիչներին խարելով թշնամին գրավեց Բաղարերդը, գտնվել է մեր նկարագրած ճանապարհին: Նա հիշվում է նաև Վահանավանքին նվիրաբերված գյուղերի թվում, որոնք գտնվում էին վանքի դիմաց. «...զգեղանն որ ի հանդէպ վանացն՝ զԱշաղու և զԱշաղուա, զԳետարավայր և զՇեկք...»¹²: Աշաղու և Շեկք գյուղերը այժմ էլ կան և գտնվում են Վահանավանքի դիմաց, Ողջի գե-

տի ձախ ափին¹³, իսկ նրանց միջև բարձրացող լեռան վրա ներկայիս Աշաղու բերդն է, որը և հին Աշաղվան է:

Հաջորդ ճանապարհը, որին ցանկանում ենք անդրադառնալ, անցնում էր Քաշունիք գավառի տարածքով և հասնում մինչև Բարկուշատ գետը: Այն սկիզբ էր առնում Տանձավեր գյուղում՝ Տաթև—Բաղարերդ ճանապարհից: Ս. Օրբելյանի և հետագա մատենագիրների մոտ կան վկայություններ¹⁴, որոնք վերաբերում են Տաթևից դեպի Քաշունիք գավառի երիցվանք տանող ճանապարհին: Այն սկիզբ էր առնում հիմնական ուղուց: Ճանապարհի երկարությամբ կառուցված մի քանի պաշտպանական ամրությունները վկայում են նրա կարևորության մասին, ուստի անհրաժեշտ ենք համարում հանգամանորեն նկարագրել այն: Տանձավեր գյուղից ճանապարհը ընթանում էր գետի ձախ ափով մինչև Վանդա բերդը, որը գտնվում է Տանձավերից մոտ 5 կմ արևելք¹⁵: Այդտեղից շարունակելով ընթանալ գետի հոսանքի ուղղությամբ՝ գետանցքով տեղափոխվում էր գետի աջ ափը և հետո նորից շարունակում ընթանալ ձախ ափով մինչև Աղբը. ՍՍՀ Ղուբաթլուի շրջանի Ային¹⁶ գյուղը: Այդտեղից մի փոքրիկ ճանապարհ տանում էր դեպի Ղափանի շրջանի Դավիթ-բեկ գյուղի արևելյան մասում, գետի ձախ ափին կառուցված և այժմ «Կարանի եկեղեցի» կոչվող շինությունը: «Կարանի եկեղեցու» ուսումնասիրությունը ցույց տվեց, որ այդ կառույցը եկեղեցի չէ, այլ անժածկ, ուղղանկյուն հատակագծով սենյակ, ունեցել է մեկ մուտք, որ բացվել է հարակից սենյակից, որից միայն հետքեր են մնացել: Այդ ե՞՞վ վկայում սենյակի հարավային մասում, ամբողջ պատի երկարությամբ, մուտքից քիչ բարձր 7 քառակուսի անցքերը, որոնք զբաղեցնում են պատի հաստության կեսը: Դա ենթադրել է տալիս, որ նրանք հարակից սենյակի

13 Թ. Հ ա կ ո բ յ ա ն, Սյունիքի թագավորությունը, էջ 133:

14 Ս տ ե փ ա ն ն ո ս Օրբելյան, էջ 75, 164, 232: «Աբրահամ Կաթողիկոսի Կրետացույ Պատմագրութիւն անցիցն իւրոց եւ Նատր-Շահին Պարսից», Վաղարշապատ, 1870, էջ 73: «Ընտիր պատմութիւն Դավիթ բեգին...», էջ 57:

15 Ա. Ղ ա ր ա գ յ ո զ յ ա ն, Սյունիքի Բաղք և Քաշունիք գավառների մի շարք բնակավայրերի տեղադրության շուրջը, «Բանբեր Երևանի համալսարանի», 1978, № 3, էջ 198:

16 Այինը Քաշունիք գավառի Ակն բնակավայրն է (տե՛ս Ա. Ղ ա ր ա գ յ ո զ յ ա ն, նշվ. աշխ., էջ 197):

11 Ս տ ե փ ա ն ն ո ս Օրբելյան, էջ 335:

12 Նույն տեղում, էջ 239:

ծածկը կրող հեծաններին են ծառայել: Կարծում ենք, որ մնացած կառույցը ավելի մեծ բարձրություն է ունեցել, քան հարակիցը, որովհետև պատը, որի վրա պահպանվել են անցքերը ավելի բարձր է և քանդվել է, երբ ծածկը նստել է: Պահպանված շենքի արևմտյան մասում ևս մնացել են շինության հետքեր: Հավանական է, որ «Կարանի եկեղեցին» բերդ է եղել, որովհետև դիրքը միանգամայն անառիկ է՝ 3 կողմից շրջապատված է բնական ամրություններով. այդ է վկայում նաև գետի վերին և ստորին հոսանքների շրջանում կառուցված բերդերի առկայությունը: Ային գյուղից ճանապարհը հասնում էր գետի ստորին հոսանքների շրջանում գտնվող և այժմ «Բարաք» կոչվող ամրոցը, որը գտնվում է Ղուրաթլուի շրջանի Աշաղի խոջամուսախլու¹⁷ գյուղից 2 կմ հյուսիս, մի հսկայական ժայռի վրա: Ժայռի վերնամասը ընդգրկված է եղել մեծ շրջագծով պարսպի մեջ, որից պահպանվել են 6 աշտարակներ, ինչպես նաև դրանք միմյանց կապող պարսպի մնացորդներ արևելյան և արևմտյան հատվածներում: Համեմատաբար լավ պահպանված աշտարակների բարձրությունը հասնում է 2 մետրի: Աշտարակներն ու պարիսպները կառուցված են անմշակ քարերով, արևելյան մասի աշտարակներից մեկի վրա պահպանվել են սվաղի հետքեր, որ հավանաբար ու շրջանի է: Բերդը ունեցել է մեկ մուտք արևելյան կողմից: Թերևս այս կառույցը համապատասխանում է Քաշունիք գավառի Անդոկարճըղին¹⁸, որը վկայված է Սյունիքի նշանավոր բերդերի թվում¹⁹: Ենթադրվում է, որ Անդոկարճըղը կառուցվել է IV դարում Անդոկ իշխանի կողմից²⁰: Բերդի Բաբաք անունը, որ առաջ է եկել ավելի ուշ, կարող է կապ ունենալ ինչպես խուրամյանների առաջնորդ Բաբեկի անվան հետ, որը եղել է Սյունիքում, մասնավորապես Բաղբում²¹, այնպես էլ Արցախի խաղրակյան (կամ Պոռչյան) տոհմական անվան հետ²²: Չի բացառվում նաև, որ

այս անունը ծագում է ժամանակակից պարսկերեն «բարաք» բառից, որը նշանակում է «պահպանված», «ամրոց»²³: Ծանապարհը այդտեղից հասնում էր Բարկուշատ գետը և միանում նրա աջ ափով ընթացող ճանապարհին: Դամիրճիլար գյուղում գտնվող կամուրջով նրանից առանձնանում էր մեկ ուրիշ ճյուղ, որը անցնում էր գետի աջ ափը, որտեղ մի փոքրիկ ժայռի վրա, տեղացիների վկայության համաձայն, բերդ է եղել: Այժմ այստեղ նշմարվում են սենյակների փոսածե հետքեր: Լավ պահպանված են տաշտանման երկու քարե ջրավազանները: Ուշագրավ է, որ Քաշունի գետի աջ և ձախ ափերի ջրբաժան լեռները այս հատվածում ընդհուպ մոտենալով միմյանց գետին չհասած ընդհատվում են՝ ստեղծելով բնական միջանցք, որի միջով հոսելով Քաշունի գետը թափվում է Բարկուշատը: Հիշյալ միջանցքի համար որպես դուռ ծառայում է այս ժայռը, որի վրա եղել է բերդը: Այն փակել է Քաշունի գետի հովտով անցնող ճանապարհը արևելքից: Հայտնի է, որ անցյալում հայերը արտաքին աշխարհի հետ հաղորդակցվում էին «Դրունք», «Կղեսուրք», «Պահակ», «Կապան», «Ձեռնակ» կոչվող լեռնանցքների միջոցով, որոնք ունեին մեծ ռազմաստրատեգիական նշանակություն, որի պատճառով այդտեղ կառուցում էին ամրություններ, տեղավորում կայազորներ և մաքս գանձում այդտեղից անցնող քարավաններից²⁴: Հավանաբար նման ամրություն է եղել նաև այս բերդը. նրա աշխարհագրական դիրքի հետազոտությունից եկանք այն եզրակացության, որ դա պետք է լինի Քաշունիք գավառի Պահու բերդը²⁵, որովհետև տեղանունը կազմված է «պահ» (պահպանություն) և «բերդ» բառերից²⁶: Այդտեղից ճանապարհը, որոշ ժամանակ ընթանալով գետի հոսանքի հակառակ ուղղությամբ, հասնում էր գետի միջին մասում վեր խոյացող ժայռի վրա՝ կառուցված բերդը, որը գտնվում է Ղուրաթլուի շրջանի Փուլաղու գյուղի մոտ և տեղացիների կողմից անվանվում է «Աստծո ժայռ»: Կառույցը ուղղանկյուն շինություն է՝ ներքուստ բաժան-

17 Տեղական ավանդության համաձայն խոջամուսախլու գյուղի անունը առաջացել է այս գյուղի հիմնադիր խոջա Միսակի անունից:

18 Ս տ ե փ ա ն ն ո ս Օ ր բ ե լ յ ա ն, էջ 519:

19 Նույն տեղում, էջ 13:

20 Հ. Հյուրջման, Հին հայոց տեղույ անունները, Թարգմանեց Հ. Բ. Պիլեղիկյան, Վիեննա, 1907, էջ 322:

21 Տե՛ս «Մովսեսի Կաղանկատուացույ Պատմութիւն Աղուանից աշխարհի», Մոսկվա, 1860, էջ 263:

22 Տե՛ս Գ. Հովսեփյան, խաղրակյանք կամ Պոռչյանք հայոց պատմության մեջ, Ան-

թիլիսս-Լիրանան, 1969, տոհմագրություն խաղրակյանց:

23 Տե՛ս Մ ո հ ա մ մ ա դ Մ ո յ ի ն, Բորհան-ե ղաթե (պարսկերեն լեզվով), հատ. Ա, Թեհրան, 1964, էջ 202:

24 Ս. Երեմյան, Հայաստանի բնաշխարհը, տե՛ս «Հայ ժողովրդի պատմություն», հատ. I, Երևան, 1971:

25 Ս տ ե փ ա ն ն ո ս Օ ր բ ե լ յ ա ն, էջ 519:

26 Հ. Հյուրջման, նշվ. աշխ., էջ 397:

ված 4 քառակուսի սենյակների Շինություն հյուսիսային պատը կառուցվել է թեթև հարթության վրա, որի պատճառով տարբեր է նրա բարձրությունը արտաքին և ներքին կողմերից: Մնացած հատվածներում պահպանվել են միայն հիմնապատերը: Գրավոր վկայություններ չի նկատվում պատճառով հնարավոր չէ վերականգնել այս բերդի պատմական անունը:

Ռազմաստրատեգիական մեծ նշանակություն է ունեցել Բղեն և Քաշունիք գավառների տարածքով անցնող ճանապարհը, որովհետև նրա պաշտպանությունը ապահովում էին Սյունաց նշանավոր Բորոտան, Բղեն, և Բարկուշատ բերդերը²⁷: Այն ընթանում էր Բարկուշատ գետի աջ ափով՝ միմյանց կապելով հիշյալ ամրությունները, հատվում էր Քաշունի գետի հովտով անցնող ճանապարհի հետ և հասնում մինչև Արաքս: Նրա նշանակությունը հատկապես մեծ է եղել XII—XIII դդ., երբ հաճախակի դարձան սելջուկ թուրքերի արշավանքները դեպի Սյունիք: Այսպես, 1104 թ. սելջուկները Սյունյաց թագավորությունից գրավում են Որոտան բերդը²⁸, որը Սյունիքի թագավորության ամենահյուսիսային բերդն էր և հեռու չէր սահմանից²⁹, իսկ 1105 թ.՝ Բղենը³⁰: Թեև Ս. Օրբելյանը չի հիշատակում Բորոտան և Բարկուշատ բերդերի անկման մասին, սակայն պետք է ենթադրել, որ նրանք ևս գրավվել էին: Բորոտանը այն պատճառով, որ շատ մոտ էր գտնվում Բղենին, իսկ Բարկուշատը՝ ինչպես և Բորոտանը, չեն հիշվում «Սյունյաց կամ Բաղաց» թագավորության կազմում այս իրադարձություններից հետո մնացած բերդերի թվում: «...բայց մնացին Բաղաբերդ և Գեղի, Կաբալաբերդ, Շիրուտն, Կարճևան, Մեղրի, Գրհամ առ Գրիգորոյ թագավորի...»³¹: Զաքարյանների կողմից XIII դարի սկզբին Սյունիքում աղատագրված բերդերից առաջին հերթին հիշվում են վերոհիշյալ ամրությունները³²: Այս ամենը հաստատում է նաև այն, որ դրանք սահմանային բերդեր էին և Սյունիքի հյուսիս-արևելյան սահմանը նշված ժամանակաշրջանում անցել է Որոտան, Բորոտան, Բղեն և Բարկուշատ բերդերի մոտով: Այդ բերդերը գտնվում էին Որո-

տանի ձախ ափին, հետևապես որպես սահմանագիծ կարող էր հանդիսանալ Բարկուշատ գետի Բարկուշատ և Հակարի գետերի ջրախառնման վայրում, հիշյալ ճանապարհից առանձնանում էր մեկ ուրիշը, որը թեթևում էր դեպի արևմուտք և հասնում մինչև Սուսանասար լեռնաշղթան, այնուհետև ընթանում դեպի հարավ և լեռնաշղթայի վրայով հասնում մինչև նրա գագաթին կառուցված Բուրջ կոչվող բերդը³³:

Ռազմաստրատեգիական կարևոր նշանակություն է ունեցել մեկ ուրիշ ճանապարհ, որը անցնում էր Կովսական գավառի տարածքով: Այն սկսվում էր Ողջի գետի միջին հոսանքի շրջանում՝ Կապան քաղաքից, անցնում էր Վահանավանքի միջով և Հալիձոր բերդի մոտով, այնուհետև թեթևում էր դեպի հարավ, հասնում Վաչագան գյուղը, որից հետո Վաչագան գետի կամուրջով՝ Բաղաբուրջ, Բաղաբուրջից ճանապարհը ընթանում էր դեպի հարավ-արևելք մինչև Սրահակ գյուղատեղին, այնուհետև նորից թեթևում դեպի հարավ, հատում Գեղանուշ գետը և ընթանալով դեպի արևելք՝ հասնում մինչև Մակ քար լեռնանցքը, որի մոտ գտնվում է Բերդաբար ամրոցը: Շարունակելով ընթանալ հարավ-արևելք, ճանապարհը Շիկահող գետի կամուրջով, Մավ գյուղից հյուսիս գտնվող Կոնաս, այնուհետև Մավի հարավային մասում գտնվող Գոհարի բերդ ամրությունների մոտով անցնելով՝ հասնում էր Բարդաղ գյուղը³⁴: Այդտեղից թեթևում էր դեպի արևմուտք և հասնում այժմ Կաղիր կալասի կոչվող բերդը, որը գտնվում է Մեղրու շրջանի Նյուվադի գյուղից 8 կմ արևելք, Արևիքի լեռնաշղթայի վրա: Հիշյալ ճանապարհից առանձին արահետներ տանում են դեպի նշված բերդերը և միմյանց կապում գավառի տարածքում գտնվող բնակավայրերը:

Վերոհիշյալ ճանապարհների պաշտպանությունը ապահովող բերդերը, որոնք կառուցված էին նրանց երկարությամբ, միմյանցից որոշակի հեռավորության վրա, հանդիսանում էին Սյունիքի հարավ-արևելյան մասի պաշտպանական համակարգի ամրություններ, որոնք խիստ լեռնային, բնական ամրություններով հարուստ նահանգը դարձնում էին անմատչելի հակառակորդի համար: Այդ համակարգը ստեղծվել էր

²⁷ Հիշյալ բերդերի տեղագրության մասին տե՛ս «Պատմա-բանասիրական հանդես», 1978, № 1, էջ 272—275:

²⁸ Ս տ ե փ ա ն ն ո ս Օ ր բ է լ յ ա ն, էջ 334:

²⁹ Թ. Հ ա կ ո բ յ ա ն, Սյունիքի թագավորությունը, էջ 69:

³⁰ Ս տ ե փ ա ն ն ո ս Օ ր բ է լ յ ա ն, էջ 334:

³¹ Նույն տեղում, էջ 335:

³² Նույն տեղում, էջ 392:

³³ Հիշյալ բերդի պատմական անվան վերականգնմանը մենք կանդրադառնանք մեկ այլ աղբյուրով:

³⁴ Բարդաղը Կովսական գավառի Բարդու-թաղք գյուղն է (տե՛ս Ղ. Ա լ ի շ ա ն, Սիսական, էջ 288):

փոխադարձ օգնությունը հեշտացնելու նպատակով: Այն նախապես գիտակցորեն մշակված պլանով չի կառուցվել, այլ գոյացել է դարերի ընթացքում, ինքնապաշտպանական կոնվենիի շնորհիվ և լրացրել է պաշտպանության համար օգտագործվող ժայռագագաթներին կառուցած դիրքերի ու բարանձավների ցանցը³⁵:

Սյունիքի հարավ-արևելյան մասի պաշտպանական համակարգը բաղկացած էր մի քանի պաշտպանական գոտիներից: Նրանցից մեկը գտնվում էր Բարկուշատ գետի ձախ ափին, որի մեջ մտնում էին Բորոտան, Բղեն, Բարկուշատ քերդերը: Նրան էր միանում Քաշունի գետի ձախ ափով անցնող ճանապարհը՝ իր երկայնքով կառուցված ամրություններով: Պաշտպանական մեկ այլ գիծ էին ներկայացնում Տաթև—Բաղարբրո ճանապարհին կառուցված բերդերը, որոնք կապվում էին Քաշունի և Ողջի գետերի ձախափնյա ամրությունների շարքին: Ընդ որում Բաղարբրո, Կկոց քար, Աշաղվա ամրությունները կարող էին միաժամանակ համարվել ինչպես Տաթև—Բաղարբրո գծի, այն-

պես էլ Ողջի գետի ձախափնյա դոտու բերդեր: Գեղիի աջ ափին կառուցված Գեղի, Ողջի գետի վերին հոսանքների շրջանում գտնվող Շլորուտ և այդ գետերի ջրախառնման անկյունում գտնվող Զևու բերդերը, որոնք փոքրիկ Ձորք գավառում էին³⁶, պաշտպանում էին Բաղարբրո ճանապարհից և Տաթև—Բաղարբրո պաշտպանական գծի շարունակությունն էին կաղմում: Ռազմաշինությունների մեկ այլ շարք գտնվում էր Կովսական գավառի տարածքում: Նրա մեջ էին մտնում Կապան քաղաքը, Բերդաքար, Կոնաս, Գոհարի բերդ ամրությունները: Այս գոտին կապված էր Արևիքի գավառում Արաքսի ձախ ափին կառուցված Կարճևան, Մեղրի, Կաղիր կալասի բերդերի հետ³⁷:

Հիշյալ պաշտպանական գոտիները անկասկած միանում էին Սյունիքի մյուս գավառների տարածքում գտնվող ռազմաշինություններին՝ ամբողջացնելով նահանգի պաշտպանական համակարգը:

Ա. Հ. ՂԱՐԱԳՅՈՋՅԱՆ

ՇԻՐԱԿԱՎԱՆԻ ԳԱՄՐԱՐԱՆՆԵՐԸ

Ախուրյանի չրամբարի կառուցման կապակցությամբ, այդ տարածքում մնացող նախնադարյան ժամանակաշրջանի հնագիտական հուշարձանները հետազոտելու և ոչնչացումից փրկելու նպատակով, ՀՍՍՀ ԳԱ հնագիտության և ազգագրության ինստիտուտի նախնադարյան ժամանակաշրջանի հուշարձաններն ուսումնասիրող ջոկատը 1977 թ. պեղումներ սկսեց Շիրակավան գյուղի մոտ գտնվող բնակատեղիում ու նրան կից դամբարանադաշտում: Աշխատանքների ընթացքում, որոնք շարունակվեցին

նաև 1978 թ., պեղվեցին 34 դամբարան և բնակավայրից առանձին հատվածներ, որոնք ուրվագծում են Շիրակավանի տարածքի նախնադարյան բնակիչների անցած պատմական ուղին մ. թ. ա. III—I հազ. ընթացքում: Զմանրանալով բազմապիսի նյութերի քննության վրա, անգրադատներ 1977 թ. պեղված № 10, 11 դամբարաններից հայտնաբերված իրերին, որոնք, ներկայացված լինելով մ. թ. ա. I հազ. առաջին քառորդին բնորոշ գրեթե բոլոր հիմնական նմուշներով, լույս են սփռում նաև Ախուրյանի հովտի նախնադարյան բնակչի հավատալիքների առանձին մանրամասների վրա:

Դամբարանադաշտում պեղված մյուս բոլոր դամբարանների նման, սրանք ևս գետնի մակե-

35 Ստ. Լիսիցյան, Զանգեզուրի հայերը, էջ 40: Սասանյանների տիրապետության զորք Սյունիքում պաշտպանական ամրություններ կառուցել են նաև սրբուհի արքաները: Խոսքով I Անուշիրվան (531—578) թագավորին է վերագրվում Սյունյաց Ծահապոնից, Վալոց, Գիլար բերդերի կառուցումը (Թալաձորի, Հայաստանի նվաճումը, տե՛ս Գ. Խաչաթյան, Արաբացի մատենագրեր Հայաստանի մասին, «Հանդես ամսօրյա», 1903, № 4, էջ 125): Պարսկական արքունիքի կողմից Սյունիքի պաշտպանության ապահովումը բացատրվում է Անդրկովկասում վերջինիս ռմեցած ուրույն աշխարհագրական դիրքով: (Տե՛ս С. Еремян, Сюния и оборона Сасанидами Кавказских проходов, «Известия АрмФАН», 1941, № 7 (12), էջ 33—40):

36 Թ. Հակոբյան, Սյունիքի թագավորությունը, էջ 108—112:

37 Կարճևան, Մեղրի և Կաղիր կալասի բերդերը գտնվում էին միևնույն ուղղության վրա, Կարճևանը և Մեղրին՝ միմյանց մոտ, իսկ Կաղիր կալասին՝ բավական հեռու: Կարճևան և Մեղրի բերդերի միջև եղած հեռավորությունը նկատի ունենալով կարծում ենք, որ Մեղրի և Կաղիր կալասի բերդերի միջև, միևնույն գծի վրա, ևս երկու բերդ է եղել, որը հնարավոր կլինի ճշտել ապագայում, տեղանքի ուսումնասիրության միջոցով: